



Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 109. Joannis Alvarez Toletani mors.

[urn:nbn:de:hbz:466:1-66565](#)

gesimo secundo Senas ad sedandos tu- **Sæcul. XVI.**
multus in hac republica concitatos a **A.C. 1557.**
Pontifice fuit missus, ac postmodum
Sacris Comitiis, in quibus Marcellus II.
& Paulus IV. creabantur, interfuit,
tandem vero Romæ sexaginta, & unum
annos natus die decima tertia Mensis
Augusti Romæ obiit, sepultusque fuit
in Ecclesia D. Mariæ de Pace, ubi ejus
monumentum Joachimus Bellajus se-
pulcrali inscriptione honorabat.

§. CIX.

Joannis Alvarez Toletani mors.

Inter Cardinales hoc anno defunctos *Ciacon. t. 3.*
quarto loco recensetur Joannes Al- *p. 644.*
varesius Toletanus Ordinis Fratrum *Aubery l. c:*
Prædicatorum, qui natione Hispanus
ex nobilissima Toletanorum familia pa-
rentibus Friderico Alvarez Albæ Duce,
& Isabella Pimentella non minus pie-
tate, quam genere claris natus est, post-
eaque morum probitate, atque erudi-
tionis excellentia inter sui Ordinis Alum-
nos ingens sibi nomen comparabat, nec-
non Philosophiæ, & Theologiæ eam
operam navabat, ut a Carolo V. Cæ-
fare, cui præclara hujus Viri merita
satis perspecta erant, primo Corduben-
sis, dein Burgensis Episcopus, ac de-
mum ad ejusdem Imperatoris preces a
Paulo III. die vigesimo Decembris Anno
supra

Sæcul. XVI. supra millesimum quingentesimo trigesimo octavo purpura decoraretur: cum autem postea Compostellanæ Ecclesiæ administrationem in se suscepisset, ideo Cardinalis S. Jacobi appellari voluit; antea enim vulgo Cardinalis Burgensis nuncupabatur: postquam vero sexagesimum nonum ætatis suæ annum expleverat, hoc anno die decima quarta septembbris obiit, sepultusque est primo in Ecclesia S. Mariæ supra Minervam, postea tamen Corpus ejus in Hispaniam translatum in Majorum suorum tumulo condebatur. Hic idem, ut in Hispaniæ Regno Sacræ Inquisitionis tribunal institueretur, maximam navabat operam, immotoque studio exurgentem hæresum pestem eliminare nitebatur. Referunt de eodem Scriptores, quod tunc, cum inter sacri ordinis Prædicatorum religiosos viros viveret, a Superioribus ad aliam civitatem missus, iter illud nonnisi pedibus, pauperum religiosorum virorum instar conficeret voluerit. Præfens pariter erat comitiis, in quibus renuntiati sunt Romani Pontifices Julius III. Marcellus II. & Paulus IV. sub quo e vita migravit.

§. CX.